

## **ADDYSG UWCH: POLISI FFI OEDD DYSGU LLAWN AMSER 2022/23**

Os ydych yn cofrestru fel myfyriwr, dylech ddarllen a deall y telerau cofrestru a amlinellir isod cyn llofnodi'r ffurflen gofrestru. Mae'n arbennig o bwysig eich bod yn deall eich atebolrwydd a'n polisi ynglŷn â thaliadau ac ad-daliadau.

Ceir rhestr llawn o ffioedd dysgu'r Coleg yn Atodiad 1. Bydd myfyrwyr nad ydynt yn sicrhau cymorth gan Gyllid Myfyrwyr Cymru/Student Finance England yn atebol yn bersonol am dalu'r holl ffioedd dysgu.

### **MYFYRWYR LLAWN AMSER NEWYDD**

Gall myfyrwyr llawn amser wneud cais am Fenthyciad Ffioedd Dysgu hyd at £9,000 i dalu cost eu ffioedd dysgu. Bydd hyn yn amodol ar feini prawf cymhwyster.

Hefyd gall myfyrwyr llawn amser gael cymorth ariannol ar gyfer costau byw. Mae'r cymorth ar ffurf cyfuniad o grantiau a benthyciadau (yn dibynnu ar gymhwyster). Rhaid i fyfyrwyr fod dan 60 oed ar ddiwrnod cyntaf blwyddyn academaidd gyntaf eu cwrs i gael mynediad i fenthyciad cynhaliath i israddedigion. Gall myfyrwyr llawn amser fod yn gymwys am hyd at £9,810 y flwyddyn tuag at eu costau byw os ydynt yn byw i ffwrdd o gartref. Bydd pob myfyriwr cymwys yn derbyn grant o o leiaf £1,000 waeth beth fo incwm y cartref. Gall myfyrwyr o gartrefi ag incwm cartref is fod yn gymwys am grant o hyd at £8,100 nad oes rhaid ei ad-dalu.

Hefyd gall myfyrwyr wneud cais am Fwrsariaethau Coleg (gweler Atodiad 2), cronfa galedi'r Coleg (Atodiad 3) ac efallai eu bod yn gymwys am ystod o gymorth ychwanegol os oes ganddynt blant, oedolion dibynnol, anabled neu gyflwr iechyd.

### **CYLLID MYFYRWYR CYMRU**

Caiff pob cais am fenthyciadau a grantiau eu trin gan Gyllid Myfyrwyr Cymru. Gellir dod o hyd i wybodaeth fanwl ynghylch sut i wneud cais a pha gymorth sydd ar gael yn [studentfinancewales.co.uk](http://studentfinancewales.co.uk) **Ffôn: 0300 200 4050**

Dylai myfyrwyr llawn amser sydd fel arfer yn byw yn Lloegr wneud cais am gymorth trwy Student Finance England gan fod cymorth ffioedd gwahanol ar gael **Rhif ffôn: 0845 300 5090**

## TALU FFFIOEDD AC ATEBOLRWYDD

Eich cyfrifoldeb chi yw sicrhau bod gennych gyllid digonol yn ei le cyn eich bod yn dechrau ar eich astudiaethau ac yn mynd i gostau ffioedd. Er mwyn sicrhau bod unrhyw gyllid rydych chi'n ei hawlio yn cael ei dalu i chi'n brydlon mae'n hanfodol eich bod yn rhoi gwybod i Gyllid Myfyrwr Cymru/Student Finance England eich bod yn mynychu'r Coleg cywir. Mae Coleg Sir Gâr ac Ysgol Gelf Caerfyrddin i gyd yn rhan o Grŵp Prifysgol Cymru: Y Drindod Dewi Sant. At ddibenion ffioedd rhaid i chi ddyfynnu: **Prifysgol Cymru: Y Drindod Dewi Sant** ar eich holl ffurflenni wrth ddewis eich sefydliad a nodi Coleg Sir Gâr pan yn dewis eich lleoliad astudio.

Gofynnir i fyfyrwr llawn amser ddarparu prawf o'u cyllid adeg cofrestru. Os ydych yn parhau i fod yn y broses o hawlio cymorth gofynnir i chi ddarparu'r wybodaeth sy'n ofynnol o fewn y 28 diwrnod sy'n dilyn. Os ydych yn dal i fod heb ddarparu'r wybodaeth hon cewch eich anfonebu'n llawn am eich ffioedd er mwyn sicrhau eich bod yn ymwybodol o'ch atebolrwydd i'r Coleg am eich ffioedd. Os ydych yn bwriadu talu eich ffioedd eich hun, gofynnir i chi dalu traean eich ffioedd adeg cofrestru, a chwblhau Gorchymyn Debyd Uniongyrchol ar gyfer y gweddill. Gall y Debyd Uniongyrchol hwn ddal i fod yn ei le yn ystod parhad y cwrs.

## TYNNU NÔL AC AD-DALIADAU

Os ydych yn meddwl am roi'r gorau i'ch cwrs mae'n bwysig eich bod yn ceisio cyngor ar y cyfle cyntaf er mwyn sicrhau eich bod yn ymwybodol o'r holl oblygiadau wrth wneud eich penderfyniad. Rhaid i chi hysbysu'ch tiwtor a'r Gofrestrfa yn ffurfiol ar unwaith os ydych yn penderfynu tynnu nôl o'ch astudiaethau neu eu gohirio, gan gadarnhau dyddiad olaf eich presenoldeb. Dylech hefyd gysylltu â Chyllid Myfyrwr Cymru oherwydd gall y ffaith eich bod wedi tynnu nôl beryglu eich hawl i gael cymorth ariannol yn y dyfodol.

Rhoddir cyfnod gras o bythefnos o ddechrau eich cwrs pan na chodir ffioedd. Yn dilyn y cyfnod gras o bythefnos bydd y telerau canlynol yn gymwys ar gyfer taliadau yn unol â thelerau ac amodau Benthyciadau Myfyrwr, sef:


<b>Tymor 1 – 10 Hydref 2022</b>	<b>25% o'r ffi flynyddol</b>
<b>Tymor 2 – 9 Ionawr 2023</b>	<b>50% o'r ffi flynyddol</b>
<b>Tymor 3 - 17 Ebrill 2023</b>	<b>100% o'r ffi flynyddol</b>

## PEIDIO Â THALU FFFIOEDD

Os ydych ar unrhyw adeg yn profi problemau gyda thalu ffioedd, siaradwch â'ch tiwtor neu ceisiwch gymorth gan staff Cefnogi Dysgwyr a leolir ar eich campws.

Ni chaniateir i unrhyw fyfyrwr sy'n cwblhau blwyddyn academiaidd heb dalu ffioedd i ailgofrestru ar gyfer y flwyddyn academiaidd nesaf, hyd nes telir yr holl ffioedd sy'n weddill yn llawn. Gall methu â thalu am unrhyw gostau nwyddau neu wasanaethau a godir ar ddysgwyr gan y Coleg arwain at gymryd camau Llys Sirol i adennill y swm/symiau sy'n weddill. Gellir hefyd defnyddio Asiantaethau Adfer Dyledion trydydd parti i geisio casglu unrhyw ffioedd sy'n weddill, gyda chost gwneud hynny yn cael ei hychwanegu i'ch dyled. Os bydd angen gweithredu yn y modd hwn, gellir defnyddio Gwybodaeth Bersonol a ddarparwyd gennych er mwyn cwblhau gwiriadau gwrth-dwyll priodol. Mae'n bosibl y caiff Gwybodaeth Bersonol a ddarperir gennych ei datgelu i asiantaeth cyfeiriadau credyd neu atal twyll, ac mae'n bosibl y cedwir cofnod o'r wybodaeth honno.

Atodiad 1



TALIADAU FFI OEDD DYSGU A CHOFRESTRU ADDYSG UWCH

*Myfyrwyr Cartref yn unig*

Israddedig Llawn Amser

Cwrs	Ffi
HND, Gradd Sylfaen, BSc neu BA (Pob blwyddyn)	£ 9,000

## Atodiad 2

### **BWRSARIAETHAU ADDYSG UWCH AR GYFER MYFYRWYR LLAWN AMSER: 2022/23**

#### ***Myfyrwyr Newydd – myfyrwyr blwyddyn gyntaf (Heb fod yn seiliedig ar brawf modd)***

Mae'r bwrsariaethau hyn ar gael i Fyfirwyr Newydd llawn amser – h.y. myfyrwyr blwyddyn gyntaf sy'n byw yn y Deyrnas Unedig ac sy'n cofrestru ar gwrs Addysg Uwch llawn amser yn y Coleg (h.y. Gradd, Gradd Sylfaen neu HND) ac sy'n dal i fynychu ar 1 Chwefror 2023.

Mae arian y bwrsariaethau hyn yn gyfyngedig, felly po gynharaf y gwnewch gais, gorau i gyd fydd eich siawns o gael un. Bydd myfyrwyr fel arfer yn gymwys ar gyfer hyd at un fwrsariaeth coleg yn unig. Bydd ymadawyr gofal yn gymwys ar gyfer hyd at 2 (Ymadawr Gofal ac un arall).

Gallwch wneud cais yn awr gan ddefnyddio'r ffurflenni sydd ar gael ar y wefan a byddwn yn anfon cadarnhad o'ch cymhwyster atoch. Ni dderbynnir ceisiadau ar ôl 1 Tachwedd 2022. Mae pob bwrsariaeth yn amodol ar eich bod yn bodloni gofynion mynediad, rheolau a rheoliadau'r Coleg.

#### **Bwrsariaeth Dilyniant Mewnol - £1000**

Mae hon yn daladwy mewn dau randaliad ym mis Mawrth 2023 a mis Mehefin 2023 i fyfirwyr sydd wedi symud ymlaen yn fewnol o gwrs lefel 3 yng Ngholeg Sir Gâr / Coleg Ceredigion. Mae rhaid bod myfyrwyr wedi ymgeisio trwy UCAS a bydd angen iddynt ddyfynnu eu rhif UCAS.

#### **Bwrsariaeth Dilyniant Ysgolion Partner - £300**

Mae hon yn daladwy ym mis Mawrth 2023 i fyfirwyr a symudodd ymlaen yn 2023 o ysgol sy'n gydnabyddedig fel partner, h.y. Ysgol y mae'r Coleg yn cydweithio â hi fel rhan o'r Rhwydwaith 14-19 neu o raglenni ym Mhrifysgol Cymru: Y Drindod Dewi Sant.

#### **Bwrsariaeth i Bobl sy'n Gadael Gofal - £500**

Mae hon yn daladwy ym mis Mawrth 2023 i fyfyrwr sydd wedi bod yng ngofal yr awdurdod lleol yn flaenorol.

#### **Bwrsariaeth Astudio drwy gyfrwng y Gymraeg - £500**

Mae hon yn daladwy ym mis Mehefin 2023 i fyfirwyr sy'n cwblhau o leiaf un modiwl o'u blwyddyn gyntaf drwy gyfrwng y Gymraeg.

#### **Bwrsariaeth Gofal Plant - £500**

Mae hon yn daladwy ym mis Mawrth 2023 i fyfirwyr sy'n rhieni â dibynyddion (o dan 16 ac mewn addysg llawn amser) sy'n byw yn yr un cyfeiriad â nhw.

#### **Bwrsariaeth Cwblhad Llwyddiannus - £300**

Mae hon yn daladwy ym mis Mehefin 2023 i fyfirwyr sy'n cwblhau eu **hasesiadau blwyddyn gyntaf** (heb unrhyw gyfeirio) ac sy'n symud ymlaen i ail flwyddyn eu Cwrs Addysg Uwch llawn amser yn y Coleg (h.y. Gradd, Gradd Sylfaen neu HND).

#### **Bwrsariaeth Cludiant Tocyn Bws - £300**

Bydd hon yn talu am bas bws gwerth £300 i'r myfyrwyr hynny sydd ag anawsterau penodol yn ymwneud â chludiant. Bydd cludiant ar gael ar brif lwybrau teithio'r Coleg yn unig ac ni ddarperir cerbydau i gludo myfyrwyr i brif lwybrau teithio'r Coleg.

***Myfyrwyr yr ail a'r drydedd flwyddyn – h.y. myfyrwyr sy'n parhau (Heb fod yn seiliedig ar brawf modd)***

Mae nifer gyfyngedig o fwrsariaethau ar gael i fyfyrwyr yr ail a'r drydedd flwyddyn, sy'n byw yn y Deyrnas Unedig ac sydd wedi cofrestru ar Gwrs Addysg Uwch llawn amser yn y Coleg (h.y. Gradd, Gradd Sylfaen neu HND) ac sy'n dal i fynychu ar 1 Chwefror 2023.

Gallwch wneud cais yn awr gan ddefnyddio'r ffurflenni sydd ar gael ar y wefan a byddwn yn anfon cadarnhad o'ch cymhwyster atoch. Ni dderbynnir ceisiadau ar ôl 1 Tachwedd 2022. Mae pob bwrsariaeth yn amodol ar eich bod yn bodloni rheolau a rheoliadau'r Coleg.

Mae **arian** y bwrsariaethau hyn **yn gyfyngedig** - felly po gynharaf y gwnewch gais, gorau i gyd fydd eich siawns o gael un. Bydd myfyrwyr yn gymwys ar gyfer hyd at un fwrsariaeth coleg yn unig. Bydd ymadawyr gofal yn gymwys ar gyfer hyd at 2 (Ymadäwr Gofal ac un arall).

**Bwrsariaeth Cwblhad Llwyddiannus ar gyfer myfyrwyr yr ail flwyddyn - £300**

Mae hon yn daladwy ym mis Mehefin 2023 i fyfyrwyr sy'n cwblhau eu hasesiadau ail flwyddyn (heb unrhyw gyfeirio). Mae hon ar gael i fyfyrwyr ail flwyddyn yn unig.

**Bwrsariaeth i Bobl sy'n Gadael Gofal - £500**

Mae hon yn daladwy ym mis Mawrth 2023 i fyfyrwr sydd wedi bod yng ngofal yr awdurdod lleol yn flaenorol.

**Bwrsariaeth Astudio drwy gyfrwng y Gymraeg - £500**

Mae hon yn daladwy ym mis Mehefin 2023 i fyfyrwyr sy'n cwblhau o leiaf un modiwl o'u hail neu drydedd flwyddyn drwy gyfrwng y Gymraeg.

**Bwrsariaeth Gofal Plant - £500**

Mae hon yn daladwy ym mis Mawrth 2023 i fyfyrwyr sy'n rhieni â dibynyddion (o dan 16 ac mewn addysg lawn amser) sy'n byw yn yr un cyfeiriad â nhw.

**Bwrsariaeth Cludiant Tocyn Bws - £300**

Bydd hon yn talu am bas bws gwerth £300 i'r myfyrwyr hynny sydd ag anawsterau penodol yn ymwneud â chludiant. Bydd cludiant ar gael ar brif lwybrau teithio'r Coleg yn unig ac ni ddarperir cerbydau i gludo myfyrwyr i brif lwybrau teithio'r Coleg.

**Bwrsariaeth Blwyddyn Ryngosod - £300**

Mae hon yn daladwy ym mis Mawrth 2023 i fyfyrwyr sy'n ymgymryd â blwyddyn ryngosod gydnabyddedig fel rhan o'u rhaglen.

## **SUT I WNEUD CAIS**

Gwnewch gais am eich bwrsariaeth gan ddefnyddio'r ffurflenni sydd ar gael ar ein gwefan. Gall eich tiwtor Addysg Uwch neu swyddfa gampws leol eich helpu gyda hyn. Neu e-bostiwch/ffoniwch **Heledd Edwards** **01554 748383** neu [heledd.edwards@colegsirgar.ac.uk](mailto:heledd.edwards@colegsirgar.ac.uk)

### **Atodiad 3**

#### **CRONFA GALEDI ADDYSG UWCH: MYFYRWYR LLAWN A RHAN-AMSER**

Mae hon yn ffynhonnell ychwanegol o gymorth ariannol ar gyfer unrhyw fyfyrwr sydd wedi cael Benthyciad Myfyriwr (os yw'n gymwys) ac sy'n profi caledi ariannol. Rhaid i ymgeisydd hefyd ddangos ei fod ef/hi wedi edrych ar bob ffynhonnell ariannu arall, gan gynnwys eu darpariaeth gorddrafft, cyn y gellir ystyried cais.

Mae cymorth ariannol ar gael i unrhyw fyfyrwr sy'n byw yn y Deyrnas Unedig sy'n astudio o leiaf cyfwerth â 50% o gwrs llawn amser. Gall myfyriwr wneud cais am gyllid ar unrhyw adeg yn ystod y cwrs a gall ail-ymgeisio os yw mewn trafferthion ariannol. Fel rheol, nid oes angen ad-dalu arian. Am fwy o wybodaeth cysylltwch â:

- a) **[financialsupport@colegsirgar.ac.uk](mailto:financialsupport@colegsirgar.ac.uk)** neu
- b) **[financialsupport@ceredigion.ac.uk](mailto:financialsupport@ceredigion.ac.uk)**